



Inuussutissarsiornermut Suliffeqarnermullu Naalakkersuisoqarfik
 Naalakkersuisoq
 Landsstyreområdet for Erhverv og Råstoffer
 Naalakkersuisoq
 Ministry of Industry and Labour
 The Minister

Inatsisartunut ilaasortaq Olga P. Berthelsen
 -/Maani

Olga P. Berthelsen-ip §36 malillugu apeqqutaanut akissut Ineqarneq pillugu Maalaartarfimmut tunngasoq 15. april 2009-meersoq.

16. oktober 2009
 Sags.nr.
 Dok.nr.

Postboks 1601
 3900 Nuuk
 Oq/tel +299 34 50 00
 Fax +299 32 56 00
 isiin@gh.gl
 www.nanoq.gl

Inatsisartunut ilaasortap Olga P. Berthelsenip Ineqarneq pillugu Maalaartarfimmut soqutiginninnera qutsavigerusuppara. § 36, imm. 1 malillugu inatsisartunut ilaasortaq 15. april 2009 allakkatigut imaattunik apeqquteqaateqarpoq:

1) Naalakkersuisut soqutigaat Ineqarneq Pillugu Maalaartarfimmi suliaqarnerit aalajangiisarnerillu ersarissassallugit?

Ineqarneq pillugu Maalaartarfiup suliai aalajangiisarnerilu pillugit ukiumoortumik nalunaarusiornikkut nittartagaatigullu ersarissarniarneqartarput, Ineqarneq pillugu Maalaartarfiup ukiumoortumik nalunaarutai AG aamma Sermitsiaq aqutugalugit tamanut saqqummiunneqartarput, tassani ukiumoortumik nalunaarusiap nassiunneqarnissaa pillugu allattoqarfimmut saaffiginnittoqarsinnaanera innersuussutigineqartarluni. Ukiumoortumik nalunaarusiaq Ineqarneq pillugu Maalaartarfiup nittartagaa www.maalaarut.gl aqutigalugu tamanut saqqummiunneqartarpoq. Taamaammat Ineqarneq pillugu Maalaartarfiup suliaata ersarissarneqarnera naammaginartutus isigaara.

2) Suliaqarnermut atatillugu kisitsisit takussutissat eqqarsaatigalugit 2008 tikillugu maalaarutit suliarineqartut qassiuneri soormitaavaana hovedkonto 62.30.04-mi ilaanngitsut?

Ineqarneq pillugu Maalaartarfiup sammisatigut kisitsinik saqqummiusseriaasiani naatsorsorneqartarneri inatsisartunut ilaasortap uannut maluginneqqunera pillugu qujarusuppunga. Siunertaqartutus isumaqarfigaara, suliat sammineqarsimasut amerlassusai missingersuummi 62.30.04-mi siunissami ersersinneqartassammata. Ineqarneq pillugu Maalaartarfiup naatsorsuutai periarfissaq siulleq atorlugu aningaasanut inatsimmi tulluussarniassavagut.

3) Naalakkersuisunit qularnaarneqarsinnaava Ineqarneq Pillugu Maalaartarfiup aningaasartuutai matussuserniarlugit inissianik attartortitsisunit attartortitamut ataatsimut kr. 100-nik hovedkonto 62.30.04-mi allaqqasut malillugit Naalakkersuisut akiliisitsisarsimanagerat?

Ilumoorpoq, ineqarnermi attartornermut ataatsimut kr. 100-nik akiliisitsisoqartartoq, tak. konto pingaarneq 62.30.04-mut oqaasertai.

4) Tamanna pisortatigoortumik akiliisitsineq inissianik attartortitsisut attartortuminnut akiligassanngorlugu ingerlateqqinnikuuaat?

Attartorneq pillugu inatsisartut peqqussutaat § 83, imm. 5 malillugu Naalackersuisut ukiumoortumik ineqarnermut akiliut aqputigalugu attartortut ataasiakkaat tapiissummik akileeqqusisarpur akiliisitsisarlutillu, taanna Ineqarneq Pillugu Maalaartarfiup suliaanut matussutissaalluni. Taamaalilluni Ineqarneq Pillugu Maalaartarfiup suliai attartortut akilertarlugu.

5) Tamassuma akiliisitsinerup Ineqarneq Pillugu Maalaartarfiup aningaasartutai matussuserpai?

Akiliutigineqartartut manna tikillugu allattoqarfimmi sullissinermit ataatsimiititaliallu akissarsiaannut aningaasartuutit Naalackersuisut mattussusertarsimavaat.

6) Tassunga akiliisitsinermit tunngassutilinnik allanik Naalackersuisut paasisutissaateqarpat?

Ineqarneq Pillugu Maalaartarfiup suliaannut aningaasaliissutaasartut maanna Naalackersuisunit nalilersorneqarput.

7) Pissusissamisoortut isigineqarpa akiliutit atorneqanngitsoortut Landskassemut nakkartiinnarneqarpata?

Akiliutigineqartartoq aningaasanut inatsit aqputigalugu aalajangerneqartarmat ajornartorsiutit isigineqanngilaq, sinneqartooruteqalaassappallu landskarsimut ikineqartussaapput. Akiliutinik atuisoqarsimassanngippat attartortunullu utertinneqassappata, utertinneqartut akiliutigineqartunut naleqqiullugit amerlavallaanik aningaasartuutigineqassapput. Allaffissornikkut Ineqarneq Pillugu Maalaartarfimmi aningaasartuutigineqarnera utertitassamit annertuninngorsinnaavoq

8) Naalackersuisut pissusissamisoortut isigiinnarpaat Ineqarneq Pillugu Maalaartarfeqarneq inissianik attartortunit akiliisitaasarnikkut akilersorneqarpat?

Aap, Ineqarneq Pillugu Maalaartarfik attartortut aningaasalersugarimmassuk oqartoqarsinnaavoq ataatsimoorullugu atuisut aningaasalersugarigaat.

9) 2008-mi Ineqarneq Pillugu Maalaartarfimmi aalajangiinerit nalinginnaasut aalajangiinerilluunniit allat Naalackersuisunik isumaliortitsippat?

Ineqarneq Pillugu Maalaartarfimmi 2008-mi ataatsimiittoqarsimanngilaq. Taamaattumik 2008-mi tunngavissiisunik aalajangiisoqarsimanngilaq.

10) Ineqarneq Pillugu Maalaartarfiup ilaasortai inissiaqarnermut tunngasunik immikkut ilisimasalittut isigineqarput taamaattumillu Inatsisartut inatsisaanni maleruagassat malillugit Inatsisartuni ilaasortatut, Naalackersuisutut il.il. akissarsiaqartinneqarlutik. Kikkut Ineqarneq Pillugu Maalaartarfimmi ilaasortaanersut suullu toqqammavigalugit ilaasortaanersut Naalackersuisut paasisitsinnaappat?

Ineqarneq Pillugu Maalaartarfiup ilaasortai Inatsisartut Peqqussutaanni nr. 2 12. maj 2005-imeersumi inissianik attartortitsineq tunngasumi § 82-imi allassimasut malillugit katitigaapput. Siulittaasoq ineqarnermut tunngasunik immikkut ilisimasaqartuussaaq imaluunniit inatsisilerituutut kandidateksameneqassalluni. Ilaasortat sinnerisa immikkut piukkunnaateqarnissaannik piumasaqartoqanngilaq,

allassimallunili ilaasortat toqqagaassasut KANUKOKA-mit, INI-mit aammalu Attartortut nuna tamakkerlugu kattuffiannit.

Attartortut nuna tamakkerlugu kattuffiat Ineqarneq Pillugu Maalaartarfik aallartimmali atuussimangilaq taamaattumik § 82 malillugu ilaasortassamik toqqaasoqarsimavoq. Ullumikkullu ilaasortaq taanna SIK-mit toqqagaavoq. Ineqarneq pillugu Maalaartafiup ilaasortarai:

Siulittaasoq Anne Louise Amkær – Rigsombudsmandeqarfimmi inatsisileritooq. Ilaasortaq Christian Borch Grell– Inatsisileritooq Inissiaatileqatigiiffiup INI A/S-ip toqqagaa

Ilaasortaq Josef Therkildsen – SIK-mit inassutigineqartoq

Ilaasortaq Pétur H. Gudmundsson – KANUKOKA-mit inassutigineqartoq.

11) Inatsisit malillugit Ineqarneq Pillugu Maalaartarfik ukiut tamaasa ukiumut nalunaarusiortartussaavoq. 2005-miit 2008 tikillugu ukiumut nalunaarutit uannut nassiuqqarsinnaappat?

Ineqarneq pillugu Maalaartarfik 2006-imi aallartinneqarpoq. Taamaattumik 2005-imut nalunaarusiortartarsimangilaq. Ilanngunneqarput 2006-imut 2007-imullu nalunaarusiat. Ineqarneq pillugu Maalaartarfiup 2008-mut nalunaarusiaa suli suliarineqarpoq. Saqqummiunneqarnissaminut piareerpat uunga nittartakkamut ilineqassaaq www.maalaarut.gl.

12) Ineqarneq Pillugu Maalaartarfimmi aalajangikkat, pisortat inaataannik attartortitsisut malitassaasut, qanoq ilillutik paasisutissanngorlugit attartortitsisunut anngunneqartarpat?

Suliat Ineqarneq pillugu Maalaartarfiup aalajangiiffisai attartortunut pineqartunut nalunaarutigineqartarput. Ineqartut sinneri Ineqarneq Pillugu Maalaartarfiup aalajangigai www.maalaarut.gl aqqutigalugu malinnaaffigisinnaavaat. Aamma nittartakkakkut aalajangikkat kingullit pillugit nassinneqartarnissamik inniminniisoqarsinnaavoq.

13) Nammineq inissiaatit attartortitat Ineqarneq Pillugu Maalaartarfiup aamma susassaqarfigilernissai Naalakkersuisut isumaliuutersuutigisimavaat?

Ineqarneq pillugu iluarsaaqqinneq Naalakkersuisunit suliarineqarpoq, taamaalilluni ineqarnermut tunngasut aaqqissuussivigineqarneranit kinguneqartussamik. Ineqarneq Pillugu Maalaartarfik suliamut peqataatinneqartussaavoq.

Inussiarnersumik inuulluaqqusillunga

Ove Karl Berthelsen

Naalakkersuisoq